



恭紀

聖恩詩二十四首

紀迎駕第一

紀特陞第二

紀免漕第三

紀貸賑第四

紀幸第第五

紀賜宴第六

紀垂問第七

紀優叙第八

紀頒賚第九

紀扈駕第十

紀簡擢第十一

紀補授第十二

紀留任第十三

紀免調第十四

紀復級第十五

紀誥封第十六

紀進書第十七

紀卓薦第十八

紀貢物第十九

紀特簡第二十

紀署臬第二十一

紀移駐第二十二

紀賜勅第二十三

紀命官第二十四



恭紀

聖恩詩

康熙四十二年春督押江北漕艘停泊淮安清江上巡幸河工往返

迎送蒙賜  
顧問家世年庚皆達

聖聽紀迎  
駕恩一

淮黃攷績

翠華東岸柳堤花雨露中

日表舊從

春苑識

初選鳳陽郡佐時在  
暢春苑澹寧居引

見葵誠復藉貢航通江河會達如周道水土平成並



禹功咫尺

天威欣對越擬同前席召宣宮

長兄勲知荊州府事十餘年有因公叅罰八十餘案雖屢邀上臺特薦終格於定例四十二年二月特用為臨洮道恩出望外紀特陞恩二

有兄十載守荆關薦贖頻緣例議刪比歲歸思盈

短札舊時僚友盡崇班浙閩督臣朱江蘇撫臣宋皆與兄刑曹同官

特申寵命西陲寄緩脫華簪南畝閒時兄申文告病忽奉

特簡遂力疾西去總是

聖恩容拙宦愧無殊績動

天顏

洪澤為江北巨浸風濤險惡四十二年二月宿州衛船載糧萬餘石遇風漂沒例應弁丁攤賠漕臣雖具

疏籲請部議未允幸蒙

特旨准照大江黃河例同免永著為例弁丁歡聲

雷動督運亦免掛議仰戴

皇仁於無極紀免漕恩三

桐源東匯巨湖成千里波光起泝碎河伯怒呼鞭

電霆漕艘沉覆飽鯢鯨曾因

巡幸邀

天鑒

特賜蠲除出

聖明更

命司農標令甲萬年清宴見昇平

四十二年秋山東偶被水患奉

上諭多遣人員前往効力賑養有願領倉米者仍許借

給隨具呈 戶部借米二千石赴東省勉襄賑事

貸賑恩

紀

宵旰慙念二東宣勞自愧一囊空憂縈中夜顛

毛白

恩貸天倉積粟紅蠲賦

先皇除敝政

先臣在諫垣時疏請免天下故司加派芻練餉銀歲四百餘萬即蒙

世祖章皇帝准行並賜

召對從此恩遇日隆 救荒

當宁有奇功

兩朝仁育同高厚永慶勳華日麗中

四十二年十二月十二日

上西巡回鑾駐驛柏鄉前一日 冢宰署直隸撫臣李

啓奏得

旨明日到柏鄉在魏人學士家進膳紀

幸第恩

嵩華時

巡龍馭旋邑當馳道快瞻

天築沙堤上鑾輿駐旋馬廳前豹尾聯村姬歡呼生見

佛野人爭祝萬斯年

時男婦老幼擁擠樵逕歡呼載道皆云生見活佛各願減

一歲以益



聖壽  
上大喜悅

聖王一出關休豫豈是尋常樂遠叟

是日

駕幸宅第兄弟三人皆宦寄中外惟慈親率稚子七

人瞻迎蒙

恩遣內監李魏二臣扶掖隨撤

御筵食品頒賜紀

賜宴恩六

弟昆寄宦久離鄉

法駕來臨宅第光伏路嵩呼皆稚子

有子七人是日入皆跪迎道左

門瞻拜獨萱堂禮加扶掖勞中使恩賜珍羞出

尙方更許

天章榮榜額會看什襲萬年藏

恩許題賜堂名

魏姓紳衿凡五十餘人恭迎

上皆面詢官職行輩更

玉音特問長兄勸三次並問族中甲乙榜有若干人紀

垂問恩七

遭逢家世被殊恩羣仰

龍光觀

至尊遍序官階詳長幼細詢世系溯明元

家本元室舊勲明永樂間

發科至今幸詩禮之緒未墜 兄名眷顧留

屏宸先業清忠荷簡存

上語侍臣云魏大學士當日居官甚清

勉副

聖君垂問意實繁科第相臣門

山左賑飢事竣奉

旨自備已資効力賑養者從優議叙紀

優叙恩

八



御

恩東省問瘡痍報

國憂民心力疲男婦贖回完骨肉衣糧分給免寒饑  
宣揚

帝德生成廣感兆

天和風雨時忽降

溫綸勤鼓舞微勞何幸

聖明知

康熙四十六年二月

聖駕南幸看閱溜淮套河工時備員濠泗督脩

行宮三所乃

駕未臨幸猶叙及在丁諸臣勞勩分頒哈密瓜蒙占羊

榛實松子等物紀

頒賚恩九

岳牧籌時忠盡同樛材承乏任離宮

江南督撫會議開溜淮套

工以洩淮水請

駕親幸指授方略 晴雲朗月籠三殿碧瓦丹楹望

九重輦路香塵春草綠樓船簫管彩燈紅

兼備辦盱泗船隻

鑾輿未幸徒延竚牲菓

欽頒賚予豐

康熙四十六年三月自淮干奉調赴蘇緣

江南督撫諸臣以才能謬薦也在虎阜引

見將薦摺交吏部因得追隨

宸遊往返三閱月紀扈

駕恩十

從遊千里蕩春光塵吏身依日月光奔走後先心

有愧春秋耕歛悅無疆舉頭雲漢

天章賜沒齒恩波

御饌嘗在楊之三岔  
河行宮蒙

賜御書在蘇松杭州俱蒙  
賜克食

巡幸功成龍馭遠瞻天私願慰荒愴是役也送

駕至江南界蓋自三月  
扈蹕至五月方歸

康熙四十七年復有押運之役舟泊潞河閱  
吏部推陞除日量移閩之漳郡已奉

旨依擬用而前任守臣趙為浙閩督臣  
題留因繳憑回江南領谷另補紀

簡擢恩十一

太倉時貢稻秔鮮重上

天家轉運船舟泊潞河遷一郡功酬銓部歷三年自

叙後三年  
方得量移已蒙

俞旨移歸棹已領憑  
將赴漳又值封章攀去轅前任  
太守

題留原  
任海表休為來暮詠

聖恩寬與覲親前改補後得依老  
母膝下經年

康熙四十八年十一月赴部另  
補仍得閩之漳郡次年正月

暢春苑引

見  
天語首問先臣次及年庚履歷一一奏對復奉  
濫綸詳邸抄中小臣名姓萬幾之餘猶蒙記憶也紀補

恩十二

緇衣偶咏自胡盧烏帽黃塵入



帝都重到劉郎真可異移官杜牧竟無殊

改補二年仍得漳郡

天顏再覩垂恩渥名姓仍煩

當寧呼從此身心須日檢

君親難負策駘駘

康熙五十年二月盜首陳五顯聚眾泉屬安溪之太湖巖流劫延漳屬界雖經勦撫擒竄而文武降斥甚嚴獨知府三員以不同城從寬鑄級留任紀

恩十

三

剽劫椎埋舊俗豪常驚白馬照青袍朝歌遽敢矜  
盤錯渤海終難賣劍刀議下賊曹多放謫分同遷  
客遂遊遨獨留郡吏存

寬政愧我羊亡更補牢

康熙四十七年五月因命案罪重情疑不敢遽定部議降一級准加級抵銷免其調用紀免調

恩十

四

疑罪寧甘失不經敢輕民命重微名盃中共信為  
蛇影斷後誰知鮮續形參聽三公明勵翼無稽一  
念悞反平

恩加罰薄終懷愧豈止哀矜在得情

康熙五十二年三月十八日值

聖壽六旬大慶恭逢

恩詔准開復前降一級紀復級  
恩十五

壽域同登祝萬方小臣嶺海仰



龍光宥愆夙夜惟思補受祿

明時無可匡總被

聖仁容小過還頒

恩賚遍遐荒

時有大臣赴各省賞兵

寵庸車服應知報願竭丹誠

作保障

康熙五十二年三月十八日恭遇

萬壽覃恩除先臣前母已受封外母夫人王進階一品

本身暨妻室俱晉四品紀

誥封恩十六

十載重叨

錫類仁

九天雨露逐時新六珈副笄貽慈母

三命循墻愧遠臣四代一堂歡梓里五花八座仰

楓宸

兩朝開濟藏山富欲較傳書當

陛陳

先臣子告後在籍十六年訂較編緝日無暇晷詩文集及雜著付刊問世者百餘種晚年集錄朱文公詮解四書語分置章句之下名為朱子四書全義於五十三年 月遣長子今任行人司司正魏乾敦入京同別著六種恭呈御覽即蒙發

南書房詞臣看校既經繳進續蒙發

大學士李王二公參定又經奏繳奉

旨嘉獎詳載本書卷首紀進書恩十七

聖學時勤競寸陰先臣啓沃齋遐心歸田有樂求圖籍

研理無窮致遠深道備紫陽集繹義書呈

黃幄校詞林仍咨 公輔同參定三

錫都俞感不禁

臣彤自康熙五十年八月任漳守事至五十四年十一月蒙 督臣今大司馬范 撫臣今浙閩總制滿 卓薦隨本赴京經 吏部議准引

見於

西苑奉

旨今年天下卓異官員盡好可見更治澄清該部俱查現缺陞遷臣彤等四人以俸淺奉特恩留京候缺紀卓薦

恩十

八

六年拙政愧虛名上考叨隨

覲闕行

恩被凡材咸策勵

德昭羣吏倍澄清 冢臣颺拜圭桓肅分道遷除車服

榮需次更能承

曠典願孚瞻就暫留京

康熙五十五年三月值

萬壽大慶臣彤在京恭進書畫十種蒙收董字一冊紀貢物恩十九

天章曾煥述巡時書契能宣神聖奇塵蹟何堪當

乙覽

宸衷猶喜得多師儒林舊墨珍藏久疎迤微誠

廷獻遲偶值呼



嵩方物貢芹芽幸附紫瓊芝

康熙五十五年五月江蘇撫臣吳以京口旗民

雜處水陸交衝道員人缺久懸請

旨簡補吏部以卓異知府臣彤等四員開列奉

特旨魏荔彤着補授江常鎮道即赴新任紀

特簡恩二

十

京口東南控馭端職分方岳任巡宣

溫泉渙詔由

宸簡憲府陳言念缺懸地極衝疲常攘竊民多游蕩曠

桑田保障深愧無弘略寧靜聊期省過愆

康熙五十六年九月委署江蘇臬司至五十七年

五月卸事代庖八閱月除開封印歷二百日完

欽部案件四百紀署臬

恩二十一

聖朝垂創重祥刑

帝德同天本好生秉法乏才心倍凜推

恩定讞罪惟輕搜尋深夜矜成獄研晰公庭慎得情二

十旬消四百件幸無冤抑懟神明

康熙五十五年十一月因江蘇鎮標兵餉銀米闕

重奉

旨移駐大員嚴稽核重彈壓九卿遵奉會議以江鎮道

臣覆奏蒙

介紀移駐

恩二十二

海徼風烟靖汐潮孤懸百雉鎖迢遙城頭日氣連

滄溟沙尾江流注沃焦上將舳艫開蜃市使臣榮

戟建龍標書生戎服臨軍戲廣布



威靈警情驕

順治十六年鎮臣梁化鳳大破海寇于施翹河

江鎮道臣既經移駐崇明遂奉

勅勅恩二

十三

樓船笳吹曉霞橫旌節新移寵若驚運道風柔思

轉餉戍臺塵歛喜消兵

元時海運船道猶可稽也

絲綸榮被欽和戢島嶼恩滋永晏清願肅

仁威歸德化臣民普海樂承平

康熙五十八年二月長男魏乾敷新選行人司司

正奉

旨依擬用紀命官恩二十四

筮仕兢懷世祿家門前路是舊堤沙

先臣置即於宣武門外今

男仍寓於此

官閒應取遺書讀俸薄宜除妄費奢慎爾

樞機安退讓甘吾淡泊謝浮華生平涼德何堪訓

祖業清忠載

白麻

康熙五十九年歲次庚子日纏大梁之次

江南分守江常鎮崇道按察使司副使

臣魏荔彤

恭紀

恭紀

聖恩詩八律

康熙四十一年春督押江北漕艘停泊淮安清口值

上巡幸河工在返迎送蒙賜顧問家世年庚皆達

聖聽紀迎駕恩第一

淮黃考績

翠華東岸柳堤花雨露中

日表舊從

春苑識

余初選鳳郡時於暢春苑澹寧居引見

葵誠復藉貢航通



江河浮達如周道水土平成類禹功咫尺

天威欣對越恩同前席召宣宮

余兄知荊州府事十二年有因公八十餘案  
叅處雖屢被上憲破格特薦終撓于定例

四十二年二月

特用為臨洮道

恩出望外紀

特陞恩第二

有兄十載守荆關薦贖常遭吏議刪比歲歸

思盈短扎當時察友盡崇班

浙閩制臺朱江蘇撫臺宋皆與

兄刑曹

同官

特申寵命西陲寄緩卸華簪南畝閒

時兄已申文告病忽奉

持簡遂力疾  
西赴 總是

聖恩容拙政慚無異績動

天顏

洪澤為江北巨浸下有高堰遏束水勢風濤  
險惡最為可虞四十二年二月宿州衛二幫  
船載糧萬餘石過湖遇風漂沒例應弁丁攤  
賠 漕憲雖具疏籲請 部議終執定例幸

蒙

特旨准與大江黃河同免仍著永遠遵行弁丁歡  
聲雷動余隨押本年漕艘均戴  
皇仁於無既矣紀免漕恩第三

桐源東匯巨湖成淮堰高橫起湃砰河伯怒

呼鼓風浪漕艘沉覆飽鯢鯨曾因



巡幸邀

天鑒

特賜蠲除出

聖明吏

命司農著令甲萬年清宴見昇平

四十二年秋山東偶被水患奉

上諭多遣人員前往勅力賑養有願領倉米者仍

許借給以憑速運濟急予具呈戶部借米赴

東省獲與眾員共襄賑事紀借米恩第四

宵旰慙念二東宜勞自愧一囊空憂繁中夜

巔毛白

恩貸天庾積粟紅蠲賦

先皇除敵政

先官傅在諫垣時疏請免明季加派天

世祖章皇帝准行並賜

召對從此恩遇日隆不二載由掌垣擢總憲

救荒

當宁有奇功

上于直省水旱皆經畫賑濟民賴全活恩屢逮而

有加法數變而愈善誰云救荒無奇策耶

兩朝仁育同高厚永慶勳華日麗中

四十二年十二月十二日

上西巡回鑾駐駕栢鄉前一日 冢宰署直撫李

公啟奏得

旨明日到栢鄉在魏大學士家進膳紀

幸第恩第  
五

嵩華

巡遊龍馭旋邑當馳道快瞻

天榮恩坊下

鑾輿駐旋馬庭前虎賁聯村姬歡呼生見佛野

人爭祝萬斯年

時男婦老幼擁塞雜還歡呼載道皆云生見活佛各願減

一歲以益

聖壽且狂喜之極有以爾汝稱者

上寬仁不較反

大喜悅

吾王一出關休豫豈是經旬樂獵畋

是日

駕幸卜家因予兄弟中外宦寄惟慈親率諸子瞻

迎蒙

恩遣內臣李魏二公扶退慈親隨撤

御筵食品賜用紀

賜筵恩第六

弟昆宦寄久離鄉

法駕來臨宅第光伏路嵩呼皆稚子

予有子八人是日皆跪迎

道左入門瞻拜獨萱堂禮加扶掖勞中使恩賜

珍饈出

尚方更許

天章標扁額曾元什襲萬年藏

恩許題賜堂名



是日魏姓紳衿凡五十餘人恭迎  
上皆面詢官職崇卑行輩長幼更  
特問予長兄三次並問余家甲乙榜有若干人紀  
垂問恩第七

遭逢舉族荷殊恩

溫旨慇懃及歿存遍序官堦詳伯仲細詢世系溯

明元

予家本元室舊勳明永樂間發科至今幸詩禮之緒未墜

兄名眷顧

申

三錫先業清忠念九原

上語侍臣云魏大學士

不負

當日居官甚清

至尊垂問意猶多科第相臣門

是日予家有在籍甲乙榜七人接

駕蒙

恩獎諭

予山東賑饑事竣奉

旨自脩已資效力賑養者該部從優議敘紀優敘

恩第八

啣

恩東省起瘡痍報

國憂民心力疲男婦贖回完骨肉衣糧分給免

寒饑宣揚

帝德生成廣感兆

天和風雨時忽降

溫綸用鼓舞微勞敢冀

聖明知

皆

康熙四十三年歲次甲申長至日江南鳳陽府

同知

臣魏荔彤恭紀

懷舫集卷上

柏鄉魏荔彤念庭著

長洲學宮前溪登舟

宮牆繞流水悠然八口載播閱歲九遷况瘁心一概稚  
子髮垂髻小妻眉減黛客老幸生還敢悵就頽廢送者  
岍立堵行人懷豁塊津草正弄色闌柳新作態北顧雲  
山多拚割吳苑愛

晚泊虎邱遣婢

翠華昔蒞止眼底盡如雲茲泊橫橋外烟斜草樹紛有  
婢年及嫁晨夕侍磨焚不工聲色藝未歌舞氛我歸  
遣汝返改繫農家裙勿爲商人妾莫羨宦遊勳終身田



舍中世業在縑芸

無錫晚泊

九龍山下縣比歲常來往登眺秦樓幽品嘗惠泉爽今  
憐月滿堤肆燈猶懸幌沽酒勞舟師無復時窵賞宜興器以  
時大彬柔櫓停不鳴戍鼓遠啞響倚枕一撫追過夢付  
窵為佳愴惘

寄別天門學士

時寓武進之青山庄

學士焚魚處山青自不老客過望白雲清風送長眺京  
國想冠蓋英華動倫表物變閱蒼茫相見盈顛皓歸兮  
三黜鄉不走五陵道寄言謝舊遊遠夢託芳草  
至鎮江泊三日

重閘遏江流高岸夾潮汐疏抓徒勞民八載寬督責歸  
途胡濡滯敢暮賢畫前路故人稀留計舟車策風便  
張帆渡玉峯昔姑射此生還自證無復過講席次早渡江不及  
訪量聞上人

維揚候晤蓉江宗丈留別並和四詩

播遷自五世派行二百年爰開徽州祖厚德推區綿叔  
氏培其風翰運文章宣謀生託籌筴貨殖晦高賢我來  
官京口久要與周旋初見精神滿繼識志氣虔相於歷  
半世得意匪言傳自丙甲至辛亥十五年

伊人水一方七日待來復殘月照舵樓春風吹芳木悠  
悠行路寄託唯馬僕雖餘窮途泣寧甘對宗族浩歌

往且留盤餐 非夙

君舟穆然至客代主爲庖情話侑醴酒新詩閒蔬飯人  
事兩雲態流金工折膠相證百年期兩心共昭昭世路  
多坎珂友黨乏才豪珍重此握手離懷雙雪鬢

送我君先去時事渺難測一別天分涯白頭各努力飽  
懷良德意厚携佳飲食和詩恣豁達寧敢加塗葺西行  
冷節近泥途風雨集猶聞廣陵濤已悵隔原隰

宿石梁村

借寓張氏園

暮投百家村巨流枕長虹扶杖入花經題詩堂僻東周  
庭植新芳閒培蕙蔭叢能快塵囂襟開敞襲幽風歸興  
託梁燕客跡驅春鴻夜深帷燭寢故園在夢中

至盱眙

曉望西橫翠嵐迎歸客輿重遊已隔世遷變共行居少  
壯供奔轆髀肉消馳驅故人埋草莽舊寓圯邱墟泗岸  
名城傾四民久爲魚僧伽孤柱在佛力砥川虛長淮勢  
淼蕩平地成沮淤未知後來人何策開菑畬

阻風

淮仗西風惡翻簸勢倍猛波撼寶積峯

南宋納金  
歲幣之所

畫夕

狂怒逞小舟卧欹側篷底窺日影暝色遠岫起山腰燈  
火耿無酒慰暮寒三月敝裘冷

晤慈溪故友翁孝先長器

時在泗牧郭同鄉署

一刺飛淮干扁舟起衰病邀坐危船間今日瞻劇孟民



生問往苦吏事談嘉政心幸殘黎蘓申益操齊柄賈傅  
正英年才業群誰競欲獻治河策將擬得人慶翁語余  
赴河工効力

雨霽日晚開行

風恬浪消痕日落帆影起暮溯清淮上烟雲恣徙倚波  
文展足練霞光散零綺舟師嘯歌興妻孥顧我喜初生  
明旋墜昏霧四漫瀾舵底魚龍游榜側鼃鼃比重險寧  
果行求岸宜蚤艤野水沓無垠滄海一浮靴

三月三日淮舟

古賢修禊日衰叟滯歸晨暖氣煦原柳晴陽映岸茵中  
流欸乃奏村廟鼓簫陳堪起良遊興還憐慨嘆新銀篋

寶瑟妓紫馬鬱袍賔無物來娛眼繁愁但感顰傳箋燕  
趙客誰念役行身晚嶺啣殘照高衢逐兩輪花飛春已  
邁溪怨滿前津

雙溝

平崗勢迤遠原田圍古屋畫長鷄犬聞或遊秦漢鹿麋  
淮隔世塵舟到風吹縮其中人不死四序無寒燠安得  
蘇揚閒悉移太古族弗治俗自淳繁簡理往復

五河縣

淮測千家縣長年昏墊憂傍河開小市隔柳聳危樓官  
已多人易定仍昔歲留春來花覆岬客過水蒿眸放浪  
經江海歌謠記遞郵從茲歸故國欲作採風遊

風阻

石尤復迎面頻惠長逐客要津人競進舟子汝何畫青  
春原易殘白日又已夕知彼趕舵風笳吹追畫鷁

三令吟

天長  
終時  
昭周  
五河  
郵皆  
昔同  
事俱  
故

佟氏有髯客丰采少乘龍范氏為政不崇異良安頑梗

通復任漢興邑跼伏畢位終伯仁文章士家有燕許公

周棟園  
好孫

携才宰山縣雲陸志飛翀移舒值一蹶翎翼侶

哀鴻徒嘆鐵牛力

棟園為弟買田題  
租冊曰鐵牛力

蕩散付枯叢郵都

強幹吏官貧民舊窮久居卑濕地常成捍患功拔身歸

畫省金石竟銷鎔故人晨綴星孤羽凌天風音書知永

絕墓木望依空季札翩鮮掛楊朱泣正逢援毫寫悲辭

招菟何所從

五君吟

臨淮今高懷遠令沈鳳陽令陸蒙城令  
毫收蘇皆昔同事今無存者再吟寄感

書記素車

遂絕共詠嘯弱候晤白門邀客奏新樂聲

妓集南園清才賦

時有金陵名  
風朱少亭

及我賃吳春伯臯

歸玄妙

沈後入  
道而卒

機雲江東彥文采溢談笑官休家阻歸

旅櫬憐無告鄼侯宰渦濱質直存燕趙學成宦未達前

塵夢遽覺與陸同乏兒誰扶主祔廟長公來守毫時命

亦不造遺愛在湯都墓穴桐鄉鑿五君躡皇路齒髮遠

耄耄朝露薤頭晞生涯畢胡躁重來廿四年所歷悉憑

弔欲過漆園中物

古丹

同官吟

太守王巨峯  
別駕何濬唐

襄坊集偶遺草



別駕將軍曹太守巨萬家相聚宦一方濠上淮之涯異  
同隨長吏徵招七歲華何遜老官閣仲宣歸種瓜我足  
頗已成微名久棄瑕開蓬四面挑鼓樓殘照斜市井本  
荒敝丞齋舊草衙風雨閱年月胡用感繁奢各天集陌  
路萍葉依浮沙未定風吹處春回樹卸花蟲臂與鼠肝  
隨地寄根芽缺陷安足補拙婦陋皇媧

憶修泗北河橋

先皇勤陟方盱嶺營行殿亟造泗北橋十里飛虹見翠  
輦罷來遊數州民力倦今看城下堤崩頽存一線官舍  
移南山人鮮安居莫何如事有益伐石爲禦患重整百  
雉城鎖鑰淮北面

聞歌值雨

上皇當時歸蜀道靈武新君營再造欲按霓裳舊羽衣  
梨園子弟徒追悼杜甫落魄老江南龜年仍奏開元樂  
淚洒公孫劍噐歌身寄雲安孤艇眺人生踪跡重相形  
比歲遷流事儼肖白頭有客走逡逡橫笛驚吹悲愴調  
龍之靈兮來俯聽玉女洗頭盆柱倒急搗羯鼓聲春雷  
風起雲飛星漢照憂歡聚散復何常作刹那看付微笑

中年歸里二首

茫茫誰解付虛舟勿勿終成物內遊風日慣消河未減  
津橋屢徙歲無畱高旌擁馬浮雲過短褐憑輿暮旅投  
道側磷磷千百塚生時人盡願乘騶

依然盈眼舊風塵老愧驅馳賸一身久宦家餘蠹在戶  
長征時見雁隨人詩囊劍蒯充行李好友高僧蓄夢因  
歸往西峯桃洞住白雲深處筮潛鱗

渡河

復渡大河去勞勞十六年沙平村鴛遠雲薄日孤懸金  
帶中原束黃龍東海旋濟斯梁達趙家在太行邊

衛輝府

墨子回車地新周稱昧鄉三監竟隨移康叔啓厥疆秦  
興開郡邑河北勢雄強昔聖許民庶人文終晦荒太行  
列屏遠晨夕變雲光城闈繞衛流浮達輸貢航南熏吹  
細雨塵靜征衫涼敞廬半圻近歸夢屬無忙

看山

崇日歸程近輿牕飽看山浮嵐堆寶髻宿雨沐烟鬟草  
襯羅裙色霞烘翠袖斑鹿林疎密處仙洞有無閒欲笑  
妻孥隱仍邀塵市還何師傳辟穀終掩白雲關

途興

甫弔比干墓行軼商容里賢聖六七君培濯人材起彼  
昏縱斧斤殷社遂墟矣文王囚羑處卦臺又荒圯乃云  
王季誅竹書多誕紀一物釋西伯忘身嗜艷妓信惟天  
好還回眸見妹喜

淇縣

瞻彼淇園竹惟餘草樹周蕭條茅茨屋磊落土沙邱尚



友多君子無忘歌衛侯古今驚世變誰砥水東流

湯陰縣岳祠

岳家父子三言獄宋室微欽五國亡萬姓血枯成良獄  
丈夫氣盡避錢塘英魂異代昭牲醴直道當時罹禍殃  
不及耳孫充廟祝餽餘醉飽傲侯王

途興

侍中血濺殉君日寧知異代勒蒼石身後佳名要須有  
豈云不如一杯酒扁鵲留艾能醫人艾存道喪術弗伸  
子產遺愛惟惠義千古良臣多士式

彼姝

彼姝飲恨去新歡死別忘情積暑寒追憶前因肱幾折

重來世事變千端織襪入眼塵生相少壯移時指暫彈  
假令卿存今再見對垂白髮定憎看

銅雀臺

臺圯沙頽漳水東當年雙雀久鎔銅二喬南國無消息  
眾妓西陵哭雨風誰料馬群符魏識還羞羊后配劉聰  
竊侯雖貴穿窬類兩代同歸齒冷中

識指五馬  
破槽之語

過磁州弔張爾載

故友張公子長眠已累年豪風傾輦下舞態麗筵前跌

宕才名忌火要義氣堅車停王謝巷酒餞孝廉船

余過  
磁入

張居張船亦  
至京江相晤地近聯鄉縣人驚閉壤泉多君猶子貴五

代一經傳

張五代  
進士

沙河縣

溪沙擁路逢初伏日炙征人背汗紅秋水至時江漢若  
雪霜鋪地漠原同猶欣月色臨銀海最苦風霾隔碧空  
一望瘠磽仍賦稅繪圖誰奏九重中

自紀詩

古賢求實非徇名徇名已自義農始黃帝辨物名因昭  
良楛分聚判為二從此立經垂典謨代有司史紀其事  
人生咸欲傳嘉行附託直筆不朽冀余媿無成略自鳴  
馬老櫪下訴夙志家居直北歷元明四百年餘父累積  
登甲乙榜數十人遠祖中樞父鼎司伯叔兄弟四世中  
萬八千石慚竊位余家元室勳臣自明求樂初發科至  
今成進士者十一人舉貢三十餘人

五世叔祖謙吉明嘉靖時鄉會經元任至大司馬有功  
邊陲余先人正庵本朝順治首科會魁任殿閣大學  
士加官傅時稱名臣余叔祖槐村任潮州守嫡伯裔魯  
任龍安守嫡叔裔慈任平涼守胞兄勤任荊州守次兄  
嘉孚任岳州守堂兄男任金華守余任漳州守堂弟勤  
勝任寶慶守余長子乾毅候補知府凡腰金者九人皆  
在至親四世中余宦羸官閱三任兩對天顏借計吏晚遭毒

螫感 聖朝終知四凶洵匪類余被參後有 肯云何  
天培乃奸詐無恥小人

也 痛幼無怙失畜學中年暮歲勉切嗜詳習訓話日月

溪十二古經曾究治手書禿筆埋若邱五六百萬蠅頭

字寧堪藏山待傳人祇可課兒存腹笥余生平歷註大  
易通解春秋或

問四書通解靈樞素問通解張仲景傷寒論金賦詩將  
要略本義共十二經五六百萬言稿皆手書

及三千首恨無理識開才思散落隨時漫與人惟效候

嘉鼓翹跂嘗評詩聖杜老集允稱詞壇表高幟余有杜  
詩偶評



六卷將刊  
世手揮數十萬黃金足踏數萬里輿地交盡

賢豪千百人貧老近為朝貴棄魏徵宅賣誰能贖蘇季

田空室乃懟八子荷薪十五孫力勝奉養服耕植余有八子

兩人登科三人以守牧註歸作野老知帝恩飽食晏起

閒微醉族譜重修少逮衰尚望三編篤親誼余於康熙辛未年曾

脩家乘雍正庚戌年復脩吳山秀拔吳江清作客九載一瓢寄離筵

莫唱渭城歌燕趙故人釀酒侍

別吳詩四十律位置遺意

傳經客成館奉詔使扶餘蛟眼樓船射鸞章漢節舒河

汾高弟子茂苑富藏書祖道東瀛後門稀長者車別翰編徐

激齋公舊館于余姻薄車翁家薄氏因南翰編東工部香其及門奉使琉球歸後未得會晤

聲華與盛日曾識積塵中千仞飛高陸幾年返堵宮伯

鸞來市巷仲蔚隱蒿蓬九載吳城住名艱謁者通別翰編

謹涵公為孝廉時常過余談今久客吳往謁每不能晤

執政猶容兀贅婚竟謝髡一身徒梗泛四海鮮家存齊

趙前遊客燕吳舊相門那堪春望處芳草黯離魂別宋懷翁

公祖前曾議婚以遠贅未便心徒悵然

友亡餘舊宅子去遠依人書記稱高適品題得九歎黃

金方築館白雪义懷珍我去行山麓德孤愧莫隣別故友胡

希山子贊存時在粵西金撫臺幕中

崇岡五峰秀咸喜識璵璠獨感師恩重急難古道存花

谿聞廢築燕市憶開樽十五年華卸相憐白髮繁別粵西學

使徐敬思其房師陳絨庵  
每晤余言敬翁相待雅厚

盃渡浙潮平鷺雲捧鉢行貧無錐可立花不著衣輕頑

石能聽法金鏡為刮晴湖山思稅駕解脫白牛纓湖上別

雲林寺禪師敏岩

擇木知時鳥集枯見義豪死生苟息重寄託趙嬰勞淮

水流當求吳峯象自高契交多遠濶白首更重搔別錢塘姻

翁王南陽公經營令宗兄梅友同寮身後官事甚為周詳

乘軒擁蓋义丰采動群官一夕辭賓客三年迫餒寒賣

珠囊貯盡旅襯淚痕乾才俊諸郎在旋看湯網寬別故糧道

王梅翁諸郎

書得晉人法銖毫慎重輕不爭時婉秀潛合古堅精行

裛鐵門就還埋筆塚成歸求九萬內一字警荒倉別工書庫

友陳觀玉

出蜀仍高卧藏環倦獻京依劉雷楚郡偕隱謝文名儀

象存機靜人倫立鑿精歸廬猶未蚤莫待種桑成寄別四川

解元李方明學長時在岳常道温公幕中

家學推千禩兒才事遠遊寧諳捍闔策惟重物恒修詞

廟陳宗器文章紹祖謀別君思杖履無忝古賢流別賢裔言

粹中

才人遺草亭遷客表儀型雲石皆丰骨詞章志岳星焉

知求自勝先欲愛吾劍去此畱詩在千秋景性靈別滄浪亭

城闔伍相廟晴雨鎖荒烟恩怨無時歇興亡轉瞬憐人



憐今古感我頌孝忠傳能以仁成勇方為倫義全別伍相祠

嗜書復嗜遊常陟此山樓長物餘殘帙歸裝鮮敝裘頻

來閒嘯咏時邁屢春秋好古求何盡蕭然返葉舟別名山樓

古書坊

花園橫朱檻石塘竚褐衣四時精選艷百美樂忘飢歸

賦心初遂等芳願獨違關山桃杏滿顧影愧輕肥別山塘

花叟

逡逡牛馬走洒洒賦詩多拂袖辭南國驅車渡大河邯

鄲餘夢境揚冀視螻窩歸路空諸相奚囊障未磨嘲

客吳差自適寄託在詩筒沈約篇章古李頻句調工聯

吟如和曲分咏儼爭功我去昌齡起來揚雅社風別詩社沈

李王三位

勢輕知吏貴命賤畏威尊不致豬肝肉期微馬角言數

行傳大號百爾被殊恩款段從茲去鋤瓜老名園別時宦

南郭閉門隱讀書兼課耕營居堂構美教子璉瑚成忠

為謀心盡和能讓世爭須修高大戶駟馬駕車行別老友楊

子璉齊粹

山僧不厭靜常愛到空齋曳杖隨雲至談禪步月回人

歸畱鶴伴庭寂見花開莫悵關河遠移時飛錫來懶

西隣有雅士餽酒每無時果熟教分喫花開許折枝窮

途懷易感岐路古曾悲續至書來日身榮黃綬垂

晴雨聞高咏耄年久治經傳詩圖繪意先生著有詩經圖譜立德



世觀型孤潔如僧性文章為命憎少微光下照更映老

人星別西唐高夢庄  
時年七旬有八

又飲上池水年深作地仙過余時問疾愛我重求玄談

論宗經旨方書洩秘詮晉俞著仲景  
方義甚詳願隨採大藥結室

洞庭巔別風醫  
王晉三

數到西山麓川途迥不迷雲深添寺與水漲礙橋低寄

興詩篇綴題遊歲月移歸舟頻返顧姑射對忘疲別西

虎阜遊無倦頻行復一登離宮雲四合遠麓樹千層

御輦隨行路禪林舊識僧歸途縈念處夢境更何憑別

城豈商時築市曹伍相遊千年陵谷改四郭水雲週客

夢尋常返驚魂黯淡收再來丁令烏艱認舊林邱別

吳郡周成廟心疑興建初借人青史考喜子白雲居三

住能傳法九還邀著書他年來夢裡鶴化影濛濛別

久不君平問休官藉隱名塵中勤物色篋內貯公卿君

書內多載  
時貴之造南陟仙霞路北歸光武營臨岐重握手遲暮

感浮生別原吳縣  
廖瀛海

王宰中朝貴謫官澤國居下交鄉庶老績學古遺書歲

月親年識丹青君命除立身霄漢日想更念枯樗別

南國方州伯時艱竟罷官屢年悲剪翼今日幸彈冠共

狎將軍舊同嘗茶味甘臨皮思把臂珍重各衰殘別李



曾屈金閨彥來為絳帳師席珍誰薦廟才俊自乘時當  
代爭求驥虛裘屢問奇相期重聚處春滿上林枝列西廣  
張禹風  
吳寓久比鄰湖山歸興新求仙君採藥公小名任俠  
子長貧聲譽難林遠文衡玉尺均贈詩行笈貯祇當典

型珍別錢塘陳  
絨庵學士

業成招不就學古世難窺領略周程旨陶鎔王孟詞堪  
交天下善俾作士林師愛我長逋客連城璧惠貽確士  
前贈

詩四章刻  
拙集中

短李聲華著諸侯賓客中家貧局白板遊遠逐青驄曾

李香山鹽  
使者慕

遇信奇宜晚詩寧善致窮項斯曾遍說別為

訪參籠時方為客  
山見館

宅旁濂溪住策揆康節奇大兒孔文舉今代古皇義後

必昌王旦客將辭魏其子孫看繼起蘇郡有城嶠  
別老  
友王

禹開

武功唐顯日先傳漢儒林視草雲霄際栽庭桃李陰談

鋒能屑玉詩調慣敲金焦木如無棄瀕行一奏音別翰  
簡郭

月巖

弘農奇鼓壁伯仲見雙難鳳閣兄終造鵬衢弟蚤搏家

餘經一帙文易縑千端曾讀機雲作歸焚兔冊殘別夙  
學楊

宣仲翰編楊  
文叔昆季

彩鳳巢阿閣姑蘇聚狀頭功名文定後策略仲舒流天

半朱霞建郢中白雪謳暫同君芙蓉歸免楚倉羞別徐  
達夫

撰

留侯苗裔盛所出俊威儀三國吳推顧單親母代師水  
清瞻岳嶺霞舉向雲遠臨別卮言贈鳴皋天聽垂別顧

故友張匠  
門外孫

柯爛樵回晚婆談春夢醒託懷惟汗漫與世渾畦町偶  
爾生還遂終焉心役形身歸無怙恃更廢賦原鵠賦自

懷舫集卷下

偶遂草

官渡

栢鄉魏荔彤念庭著

袁曹隔水立壁壘中有清渠稱官渡各擁威兵勢侈張  
寧恃蹄涔分屯聚迺信黃河亘天寰隨地通津儼碁布  
車徒利涉險且夷卽為師行必爭路牟志云官渡非黃  
河然余疑今之小  
清河亦後世好事藉高臺因陵名谷亦會傳千古鑒觀  
不足當重興亡海田變跡豈仍故邑與陳留遙對峙漢晉殷繁  
郡反附城郭人民已盡非丁令不來誰辨誤中牟城固  
非古地矣

圃田

爾雅藪澤圃田列廣袤未盡牟境該河決奔騰無定域

袁方集偶遂草



每過坎窞起岡厓不尋水利求水跡學精桑鄴終疑猜  
金元史載鄭河足濬源蓄流農功偕若詢故老審原隰  
千頃灌溉惠心開無費無怨成大美願子勤民竭爾才

韓蘇齋斷碑

北宋李氏紀其祖平寇功有魏公子忠彥及蘇子由題識順治己亥年令

吳彥芳得於土中建室以居之

金石遺畱傳北宋此邦文獻存瓊琚賢相令子業弘遠  
長公難弟學深儲片羽凋零吉光貴三代法物球貝如  
襄陽構齋名寶晉吳君嗜古營華居歲久頽圯委瓦礫  
時發精采凌空虛幽人潛德闇然久定登天祿入石渠  
葺堂砌壁慰靈恠宰署從茲鄙吝除相對姑射一段玉  
白鏹赤仄等塗污

三月晦日

在中

今年客况付舟車子署流連旬日餘路隔大河人未渡  
貧籌喪具計全踈寒暄閒至衰身覺晴雨相更春令除  
長晝餐眠無一事神勞形逸欲何如

閒賦

客吳累歲成遲暮兒宰河干當歸路來見古槐枝榦繁  
逾旬砌上影布濩晨起晴簷聽雀聲午就閒堦看鶴步  
新婦司饋供案餐稚孫騎竹繞庭樹老景悠悠惜寸陰  
長慮蚩蚩鮮餘袴衣子解衣食推食紅女田夫恐藏怒  
去此言旋父母邦服粗飯糲無出鄉官齋千里仍嫌遠  
望爾隨耕丙舍旁

示出繼子需牧

時來中  
年相迎

七載他鄉兩相見滄海之中河之外老人鬚鬢已全更  
少壯儀容應弘泰落拓家貧名未成鬱留逢迎留鯁帶  
礪德積學自高明富貴何常委塵蕘知稀我榮固異說  
無具求用亦鮮賴能使此心為已謀呼吸沛然通沆瀣

雙鶴

署年

兩鶴依棲慰客情同居羨爾志同行追隨三徑如虛步  
翔舞九臯相和鳴辭漢山東魯二士求仙海上董雙成  
愧余驢背揚州路公等來遲未一迎

舟赴朱仙鎮懷古二首

一渠百折更千迴惟我乘閒撥棹來盃覆坳堂輕泛芥

風消河潤遠揚灰已辜作苦逢年願誰博屯膏當道豺  
試過村原瞻岳廟斯民直道本昭回

當年趙宋用僉壬此地班師汴社淪甘壤干城迎母后  
却歸帝業棄嚴親九哥自戀湖山便長股能逢昏暗君  
寧待國亡方論定金甌缺愧女兒身

風雨返年

風雨淒清違夏令車輿况瘁任勞生沾塗自少塵遮眼  
淤墊全消舟快行田父欣然霽澍足市豪倏爾子錢輕  
秋場登穀完官庾不用弘羊心計精

時聞賑穀仍須完  
倉故末句及之

晚抵牟城

漢開郡縣遵秦制此邑全非趙氏城魏惠業衰無晉國



孝王藩建襲梁名大河為惠田沙鹵兵燹曾經民困傾  
俗樸風淳猶可整詩書訓士勸農耕

追賑

漢武不為亡秦緒富民晚歸田千秋孟嘗養士知市義  
焚券薛衆食報優損上益下事經久天子通計逮諸侯  
當宁今春厯豫飢遣使發廩解愠周乃云太倉宜紅  
腐不為蔀屋口腹謀亟令有司返渙汗此時暫賑秋徵  
收其細已甚將弗堪有無是論 聖君羞讀書人可任  
卿相岳牧何膺肉食流長國家而務財用經載畀彼投  
荒陬吁嗟小人兮可小知未當大受兮非謬悠

偶以所論為詩示需牧

明道中庸自邇卑漸臻高遠筭為基志存師古休從俗  
學勉終身無閒時二載賓王寧碌碌一編娛已務孜孜  
敦誠守正修言行不向天公論報施

晤連卜公婿父

書生作吏與常闌誰識循良敷政寬河畔相逢雙白鬢  
宿盤坐守一儒冠盈床圖籍餘身贅奕代饘田付質錢  
仍教兒孫勤誦讀學成原不重為官

新櫻桃

廟園薦日客遊梁也得官齋新獻嘗含弄孫嬉飴共美  
盤僕賓席酒分香征人入塞驚鄉味倦宦離閩憶蔗漿  
母櫬 惟思猶在殯隨時奠物感年光

示子士說二首

時自邊暫歸  
將迎春復往

從軍八載暫言歸身尚飄零愧錦衣  
築版乘城披雨雪餐糧卧鐵歷寒飢  
烽烟未熄何家問父母遑將空願違  
且返脂車更赴塞瘦妻稚子共依依

身願年壯戟鬚眉努力乘時正有爲  
天馬千蹄堪貢款燕然片石待鐫碑  
虎頭祖業雄邊著鳳閣家聲國史垂  
何定封侯方入塞功成歸舍養吾衰

二子歸里

二子携還舊鄉縣袖手趺居淚界面  
少壯膏騰年復年人生那得常相見  
榴紅照眼對香焚槐碧覆階藏鳥嘯  
旋曝蛙裘澣敝衾更熏繡葛開湘扇  
春殘鶯老蟪蛄鳴

簾外流光儼飛電言歸未歸十暑寒  
近繫客身旁古汴一家數處隔音書  
河側江干縈薄宦衰老孤吟晝正長  
詩成日影移幾線

消閒二首

滿階芳草一簾風淡日輕雲隱見中  
偃仰清齋醒復夢追維遊境少成翁  
閒時方訝忙時迫老計何嗟宦計窮  
秣我白駒歸故里秋陽正好曝蟬虫

莫放簾前暇日虛衰年燭火照無餘  
少時失學輕三仕壯日求書溢五車  
故物家傳惟此在宦囊遠載少他儲  
須知併若皆身外那是携來自我初

又作



携得來時帶得回其餘萬有委塵埃良心不死共生種  
入理能超浩劫灰佛說真如開大覺聖言無息結誠胎  
但知存此爲人本便見清寧一盡該易云天地之道貞夫一

### 買草鞋

汴市買來雙不借草鞋名冠裳空適越文身風規舉步思  
吳會踪跡移年感故新從此山遊休著屐便將雲擁欲  
起塵寧知乍起仍扶杖舊是涼涼踽踽人

### 賦得夏雲多奇峰

朱夏司炎令昊天聳岫雲數峯畱遠麓三島映斜曛膚  
寸高巒聚峻嶒疊嶂分揚旌如戍嶺結壘儼成軍曦馭  
蠶叢路銀河馬象群甘霖期汝作薄海靖塵氛

### 過臨淮

細路緣城上洪流繞郭闔昔供旌節駟仍黯騎車塵士  
阻天荒破邑鮮科官踈地利陳勾稽增巧僞農圃積勞辛  
市少豐饒象村多凋敝因爲丞書尾久時宰發硯新製  
錦原先傳烹鮮訓後人八家王政備期月治功馴仕績  
由優學鄉材本惠民致言賢令守溫飽毋謀身

### 長淮衛

諸衛明祖建設供運此漕制仿唐府兵力役息征調年  
久額丁稀死徒軍田耗選僉視賄行吏侵官政暴時多  
改州邑簪冑仍分効地當輿馬集舟帆亦紛到蕭條數  
百家未庶富安效天桃萬株花銀杏千古造艷姝色悴

凋玉樹猶窈窕許劒憶徐君人亡流水浩重遊春欲深  
往跡首空掉衛南北花甚盛後爲淮衝白果大樹  
千年物也猶聞茂甚衛備徐故久矣

懷遠縣

禹鑿荆塗山中導淮瀆出山閒溝城邑白雲滿堂室陰  
雨溼嵐墮潤染五花筆月夜聞猿聲恐鎖波臣逸秋水  
一時至灑瀕起岸律流沫溢市居淺者已沒膝余曾拯  
溺來平地蛟螭窟千村沉綠濤登峯望蕩泆愧無援手  
謀到今懷悔愜布帆復經過還念民苦疾願採野老言  
可與風人匹

淮岸

清明後五日

淮長柳色遠麥碩社期殘風信遲歸計經遊起曠觀三

春供道路盡室狎濤瀾是物皆詩具隨心引筆端前村  
來牧笛淺浦守漁竿岸草青茵溼行廚素食寒晉賢誇  
犢鼻古隱避輿冠季世修頽俗中流支瀉灘羞囊山水  
貯書卷蠹螢乾梁甫頻成咏牛歌興久闌

望鳳陽府

明祖崛起日欲此建王京山卑水不抱流走歸衍平漢  
志載鍾離地非古治城今分五牧領郡勢愈上崩天時  
証人事縮者烏可羸司馬官冗長米鹽寵辱驚塵汗供  
驅策踞涼虞疎筑南移嶺海際迂迴世已更晴風吹原  
野景候過清明川塗頻極目魚老尾傷頰

卜玉



荆山傳卞玉天令韞頑石精光若耀世物色招俗客剖  
露屢刑餘至今重良璧胡知不如葵愛寶足弗惜人賢  
是國珍豈顧楚珩白古事畱昭鑒所戒警輕易識德慎  
賞實君臣固交擇寧率投奔國貴踊且賤烏

船隻歸里感作

黃郎家陸居淮岸拋田室妻子就舟末甘與風濤懼船  
回祖住村欣動來親密訊問遍隣族慳惓及娣姪爲言  
官政寬勸勞招返逸余久望鄉縣在舟吟抱膝呼兒整  
冠衣命妾澣裙袖歸兮春欲闌閒庭延長日開筵召雜  
賓敝裘畱待質民生有方域土木偶非一

桃花

一樹桃花倚岸邊行人識認暮春天淮干來往誰曾記  
擲盡風前開卸年

渦河口

魏武具知略峯師出渦口吞吳事竟成業替他人手司  
馬踵神姦盜竊附腋肘名義揭日月狐媚貽辱詬蕩滅  
過千年流水已改走客至問前塵山川陵谷久逝波旣  
莫回謀權滋怙忸開基本淺薄祚命寧綿厚遂倍春秋  
書聖意終無朽

水草

藻荇膠縈甚勢足塞淺河乃信文章家言道不貴多正  
史虞書紀舜典卽僞訛盲腐更縱意儘可修繁柯宋臣

疏逾寸艱在躬行何正編存經世一炬非秦苛試看渴  
岸民取草滿陂坡去此無益物清流去逶迤

述感

村村桃柳盛曲曲水雲週稚子隨漁牧農家急欲求支  
樓遮種竹懸罾放行舟鷺集晴沙側驢鳴古渡頭長風  
帆影正午日草烟稠寺遠僧耽寂林深鳥樂幽人情歌  
哭盡老景閒關愁祭塚筵常缺乘春幕久收鄉心縈海  
燕時序聽桑鳩下澤車仍在中酒可謀蚤歸先掃墓  
徐醉釣屠流

何家溜

弔曹氏婦

此村有孀婦守死養貧翁歲久人已亡耿耿名無終民

生固有盡青原草木豐不顧身後論富貴等魚蟲坤道  
貞乃利四德備斯中穆姜具學識自知老東宮詩書姑  
少讀文章可緩工不見易安才桑榆嫁僧傭

桃盛

桃天方北顧眼亂復南回有時盈兩岸山陰道上來花  
源世易覓秦民安遇哉此類蝸角國又置陽柯槐人生  
遊其內宇宙事已該日月消眠食那更求蓬萊

晚泊龍崗

吳下去已遠故鄉望尚迢前經老莊里蒙邑苦縣交晚  
泊荒村外夜靜息煩囂更欲求元旨反多思慮勞心安  
理卽會本基立無搖雌者雄之母黑乃白所包守此致



虛一自足遊逍遙

雨

雲隙透晚照曉作春郊雨我舟維不前爨清怨貧窶天  
明世物動各起營受與欣戚遂異情外應占迎拒陰晴  
非有心遇者亦分旅褐整厚裯豪此時在廣宇阮籍稱  
猖狂窮途哭何取四野望霄澤快意襤褸侶新水添半  
篙霽風帆迅舉居行任所遭無事學神禹

又

林鳥鳩鳴喚河魚撥刺驚雲依水覆簑笠繞田行花  
溼紅香重帘飄翠影輕細流紛入澮亢土悉成耕村叟  
披衣笑津舟艤岸橫鷗鳧啼意適寒暝隔溪生蚤晏時

難辨稽留路失程由來菟窟候風雨逾清明

卽事

捷足侈夸父追逐與日競賢士重安行子羽不由徑仕  
途計久速遲疾更由命馮唐老郎官鄧禹少執政道路  
值通塞困達亦數定旣知豈怨尤所嗟在瓶罄

晚雨

日夕霏霏雨天涯泛泛身虞卿終去趙杜甫老思秦路  
乏班荆故舟無贈麥人時歸民生逢儉歲花事迫殘春  
少壯驅馳志功名礪淬頻毫都輝兩綬東國使雙輪北  
固看山久梁園作客新何門彈劍崩誰處醉車裊欲訪  
侯生迹仍飛博浪塵要離墳畔淚移哭信陵君

曉晴將至蒙城

風起濃雲散寒生晴日來  
低烟留浦鎖遠霧逐帆開  
燕摘榆錢舞鷗妨苜帶猜  
市頭看穀種林際結梅胎  
問路莊園近服官子姓才  
贈詩言客况霽雨一春催

蒙城縣

十室邑有人石中存琬琰  
風尚如唐魏治可因陋儉  
下里音自工不為陽春掩  
昔飽令君厨秫米肉嘗犬時令蕭京

師人春晴歸路經縣小值歲  
歉吾宗賢孫子蒙民近不  
厭闡外溪流清水去潤未  
斂祖德在求城式行爾期  
儼先

祖於明代任求城一時循吏無媿姪孫之五世嫡祖也

晚泊

乘此風日佳程逾百里迅  
比邑秋溢灾宵征戒心震  
胡冒畏途危不息升致吝  
行止固隨時履信宜思順

吳家集

岸平河港狹村僻樹林荒  
屋鎖知人去春飢見日長  
稻梁商少販烟竈暮稀張  
食係民天重君如文視傷  
雨瞻青染麥雲壓菜舒黃  
田畷應成喜流離召四方

入毫東界按毫有三今歸德府古名穀孰者為南毫然則今之亳州去歸德至近或為湯

都乎

毫舊知名郡過江漸遠淮  
市頭堆穀米村岸賣高柴  
官政和平便民風梁宋偕  
虞翻曾治盜蘇晉竟清齋  
習俗猶尊法賢豪尚景懷  
但傷前雨散無與縱談諧余署毫時治盜



過嚴後甚致悔今  
食齋十五年矣

雒河集

樓名銅釵舟名山船  
村市日集始多牛車

銅樓沿豫製山棹溯渦流賈貨俱登集田車始馭牛  
陋妝農婦拙樸俗僻鄉畱名解傳賢令人來候故侯  
停船問疾苦時政罷誅求此地堪移宅武陵莫更遊

晤徐故吏慶

漢制掾曹重馬班紀傳詳後藉避徭役迄保家小康徐

子守鄉井鬚鬢始踈蒼歎樂固罕遇誰求驥德良贈別

執鷄豚踏破菜園疆如夢寤邯鄲童喚啜黃梁

徐貽穀  
米雞蟲

物數

白龍廟

水淺迺祀龍乞靈通篙楫渦流古巨川淤自黃河接食  
貨浮舸艦倉箱滋江汜禹法勤溝渠盡力循前轍客行  
邁千里勞費已逾月更進僦車馬羞溢囊中竭祝神開  
弘源身老風塵怯非少侯貴門懷刺恥修謁

晚泊白龍廟

河水強三尺民居近萬家高樓懸月小歌岸罩烟斜雞  
犬聲相接閭閻靜不譁燈明宵肆酒林黯穩棲鴉寂境  
心常適閒遊春自佳回眸歌舞地揮手謝繁華

毫東途次

水曲岸多折村疎樹接林近淇移巨竹布穀喚時禽花  
養殘春氣雲懸故國心晴風寒尚逗客日老誰禁歷落

譙城在迢遙歲月沉塵生歸路裏白髮不勝簪

抵毫

丁亥去毫今已二十五年矣

二十五年期孤姬慮墓木毫城去頻來歲星已三復烏頭拜卿相歌薤埋深谷無成時棄翁契潤餘乳獨風青原上草大車日輾轉遂作馬足塵生意辜繁速良材培奕世偉器任巨屋小人縱斧斤恥共牛山禿

去毫

夕陽下返照千雉堆烟靄水盡山隱峯崗原遙映帶市人喜指顧時宰來輿蓋憶此落拓身昔政鮮民害質樸俗歉文殷厚幼多翹豪傑輸趙齊平易比鄭蔡信宿留嘉州相負意未艾扶兒登巾車始出吳楚外

放翁詩有此身不負

負嘉州句

皂子集

鹿邑屬

平原千里始坦坦履康莊麥菜留黃蝶邱墳樹白楊塵生人馬足垣匝柳榆湯花看桃連柰音聞角帶商衣裘初染汗曉暮尚侵涼能悉鄉風景常曾客宋梁

賃車

大車駕兩牛小車碾隻輪一羸驢視羸壯重遠任致均擔簷或徒行策騎時敢論西征購障馬百萬出帑銀駑駘昂驥價皮相寧九歎良駿疲疆場功多惟喪身驅犢晉相賈失馬塞翁欣今看五陵道猶憐僦寒人九衢蹀躞影顧我已非倫乘軒雖怯戰老幸謝邊塵



胡襄城途中感賦

麥高將湧浪燕到競營巢時序流春暮行人屆宋郊為  
儀鷄斷尾翔羽鳳羞苞善下斯能辱求名莫解嘲文章  
非石隱富貴豈恒交學易終吾歲謀生籍白茅

賦哀

庭院海棠發人歸已逾時小秋花老母歿負國累臣危故  
里常關念北堂殞失時事中心可遂目瞑死無虧患難  
踈舍殮衰貧簡物儀哀哀思罔極罷誦蓼莪詩

睢州城

許定國與唐許遠同姓殺高傑歸順  
本朝在睢州順治乙酉年事

中原千乘國列雉黃家城一昔楚爭盟霸許張其立名受  
攻無險據德順則兵精教一總文明象人非富庶形屢來

年歲改老願治安成苗裔封侯後江淮久蕩平

杞縣

明劉狀元諱理順闔家  
盡節在北京謚忠烈

忠信而重祿士則崇禮報故明洪永來法與經未肖廷  
杖斃衛獄冤慘每無告兩番國篡亡唐宋士慚校試論  
所由勸讀書猶多效富貴易致身筆墨秉政要退閒或  
罪謫子孫存體貌以此輕身族焚湛常卒暴勳瑞亦寵  
榮究不列朝廟武臣陣捐軀刑餘應賊詔杞邑詞章伯  
舉室殉流盜迺媿文文山今古相照耀事去百載聞英  
靈日月照祠墓想荒涼客過悉瞻眺

陳留縣

有漢蔡邕  
祠邑人也

中郎漢季儒學博義不斷辱身篡逆側誅死胡發嘆司

徒正臣誼名罪天日且留恐乘史權反挾私啓亂由來  
文章家獎藉惟墨翰子雲甘美新伯喈事同貫祠堂建  
時溪不朽表里開衡準聖賢書蕩佚無足贊

宿省城

示中年令  
兒士健

趙宋世不競立基卽非地水可亡人國智伯曾相示故  
明天命移山川助賊崇一夕河入城億萬化鱗類今已  
將百年生聚久未備氣象如僻邑荒陬豈都治况雖上  
理時苦無愛人吏去秋值溢災死逃袖手視使車啣恩  
來遷流遠適至但恨餓殍竟風雨恣暴棄

又

山河四塞險大梁魏建封山遠偕敵英水迫且自攻兩

見宋金亡兵渡如乘風振武失氣勢累世必衰窮母弟  
禦七國藉成亞夫功追思委孤注使虎闢穴中驕侈召  
詞客鄒枚集苑叢相如更繞指諛多規不從地旣輸形  
勝士亦少豪雄久居長迭志開繼事業空今惟傳遊賞  
艮嶽與雪宮文采詩賦盛花石鳥獸充阮籍笑豎兒此  
尤螺贏同

由開封赴中牟

晨出汴西路十里白沙源因嘆博浪擊千古驚秦竟夷  
門老監者薦賢酬知恩可與滄海士意氣重相敦迺信  
趙魏客顧義輕生存俠風惜久泯浮雲焉足論

入牟境



西入蝗避境漢治尚循吏唐宗甘吞蝗周文如傷意春  
秋大無麥郊原多赤地今之從政者知爲斗筭器繪圖  
監門風矯詔長孺志九重已洞開將順本易事婦子流  
亡嗟縣官秦越視寧止負 聖朝祖德亦遐棄先曾祖  
於明中  
葉令永城有救荒十二政通省效行舉一  
時循吏之最至今永城祠祀去年甚近

### 信陵館

戰國群公子魏信陵爲冠開館集義士非私養羽翰救  
趙禦暴秦磐石六邦安寧徒奔姊急屋瓦震邯鄲平原  
名與齊重勢賢輕看宜陷四十萬千古心猶寒大河屢  
湮城故館久茫然迢遙禮下風激昂動肺肝

### 吹臺

上建杜李高三賢祠  
臺始師曠人不知也

師曠聰於音君前伸正言諸國列強臣冠履亦覆翻所  
議警昏暴適開篡弒原登高吹六律八風蕩散繁焉能  
端儀表樂終輸池門至今人信好廼惟詩酒論三賢名  
無朽臺遂千禩存

### 梁王城

孝王正少年建藩大河濱驕泰名壽盡故城亦久湮後  
世侈華藻漢室尊懿親地終藉人傳稽文重古人登登  
群版築傳說帝賚臣賣賦求榮客得財致失身

### 墮堤

梁國遷睢陽甬道築高沙至隋樹花柳南遊建翠華山  
川悉非舊寧論事淫奢客過陳西路離離桑閒麻金線

纜牙檣光彩接雲霞徒炫詞章色難問水津涯汴泗達  
江淮宋元通輕槎每見風塵起推嬾悵古遐





